

Inatsisartut suleriaasianni § 37 imm. 1 naapertorlugu Naalackersuisunut apeqquteqaat imaattoq matumuuna saqqummiuppara.

**Naalackersuisunut apeqquteqaat:**

- 1) Tasiilap eqqaanut tuttunik umimmannillu nuussinissamik Naalackersuisut pilersaaruteqarpat?
  - a. Taamatut pilersaaruteqartoqanngippat, periarfissat misissorusuppisigit, taamatullu misissuititsinissaq qanoq imaqqassaneraniq nassuiaassisinnaavisi?

(Inatsisartunut ilaasortaq Lars Poulsen, Siumut)

**Tungavilersuut:**

Silaannaap allanngoriartornera pissutigalugu aammalu nunat tamalaat uumasunik illersuiniarlutik suliniaqatigiiffiit suli tatisuarnertat pissutigalugu, imaani miluumasunik iluaquteqarniarsinnaaneq killilersorneqartuarpoq. Puisit assigiinngitsut silaannaap allanngoriartornera pissutigalugu piniarniarneri aammattaarlu amiisa avammut nioqqutigineqarsinnaaneri killeqalernikuupput.

Tikaagullinnik qilalukkanillu qernertanik killilersuinerit Tunumi piniartunut annertuumik eqquippat. Piniartutut inuussutissarsiuteqartut periarfissanik nutaanik pisariaqartitsippat, tamatumani periarfissat ilagisinnaavaat tuttunik umimmannillu Tasiilap qanittuani nunaminertanut tulluurtunut tuttunik umimmannillu nuussisoqarsinnaanera. Taamaaliornikkut najukkami neqissamik imminnut pilersorsinnaanerat annertusarneqassaaq aammalu piniartut isertitaqarsinnaanerat tungavissinneqassalluni.

Apeqqutigineqartut nutsersimaneri nalornissutigineqassappata kalaallisut allaqqasortaa aallaavigineqassaaq. Apeqqutigineqartut ullut suliffiusut qulit (10) iluanni akeqquneqarput.